

in 1745.



Hartzheim, Josephus
**INSCRIPTIO
HERSELLENSIS
UBIO-ROMANÆ
EXPLANATIO**

AD

EXCELLENTISSIMUM D.

D. JACOBUM

S. R. I. L. Baronem

WALBOT

de BASSENHEIM

D. in Bornheim &c. &c.



Colonia Augusta Agrippinensium

**Typo Viduæ Caspari Drimborn & Filii
in Platea lata 1745.**

Prostat in Officina Joannis Engelert bey der Uanau

Superiorum Permissu.


Storage
918



GABIABVS
CCAMPANIVS
VICTOR L.I.M.P.

E

Fig. 1.



Cantantes sublimē ferent ad sydera cygni

EXCELLENTISSIME DOMINE.

Habes Inscriptionis, quam primus
mihi indicāsti, & commentandam
dedisti, Explanationem, dignam crisi
TUA exquisitissimā materiem, & Scien-
tiæ militaris Patriæ (quæ Historiæ dome-
sticæ nobilis portio est) ampliandæ campum.

Si autem Inscriptionis sensum invitā
Minervā venatus sum, patere conatum
hunc in eruderandis reliquiis Antiquita-
tum Ubicarum proflare felicioribus inge-
niis stimulandis: interim tenue hoc Xe-
niolum accipe, & Kalendas Jani
CICCICXLV. vicenis & tricenis multis
cumula. Vale Tricoronatæ Gymnadiis
nostra olim Decus, nunc Præsidium.

Fig. I.

MANIAE INFER
TEM HISPANIAE CITER
T F DVBITATVS STRATEIV
MALPINIVS FIRMANVS
PAELIVS MARINVS
PIVLIVS MEMORI
D D LEGIMINER
PRAESIDIS ANCTISSIMO

INSCRIPTIONIS HERSELLENSIS EXPLANATIO.

PRÆFATIO



Apidis Marmorei, *Intentio*
quem vicus Hersell *explanan-*
XII. passuum M. Co- *da Inscriptio-*
loniâ Agrippinen- *tionis,*
sium & III. M. P.
Bonnâ dissitus, no-
bis asservavit, ex-
plicationem daturi,

colligimus, quæ ad ejus notitiam uberio-
rem sufficit. Provincia Germaniæ inferio-
ris, tum ex editis, tum ex ineditis ad hunc
diem monumentis lapideis, quò plenior
rei militaris sub Romanorum Imperio cog-
nitio patriæ historiæ Studiosis pateat.

Existit hic Lapis in veteris Ecclesiæ Her-
sellensis (cujus ruinam prævertere dum al-
laborat Parochus vigilantissimus suæ, &
suorum saluti providens, dejecit malè co-
hærentem, & novam instaurat) muro

conspicuus, nec tamen ab diligentissimis collatoribus Antiquitatum Romanarum Gelenio, Crombachio, Brœlmanno, Turckio, descriptus fuit; extet licet juxta viam publicam Romanis itinerariis decantatam, hæc Ecclesiola & Rheni littori celebratissimo incumbat. Fors hæc nostrâ opellâ excitabuntur alii hujusmodi thesaurorum custodes, sed pretii ignari aut iniqui æstimatores. Ante omnia ipsam *επιγραφή* exhibitam vide Figurâ I.

Lapis est ex marmore nigro, quale in Ducatu Montenh oppositum Rheni littus ambiente copiosum offertur in vicis Lintlar. Ratingen, &c.

Facies ad- Alta est pedes duos Colonienfes, & de-
versa. & cem uncias, lata duos pedes & unam un-
aversa. ciam: lateta parallela lata sunt tres pedes Colonienfes; altitudo eadem; Incisura perpendicularis est unius pedis & Sescunciar, incisura horizontalis est septem unciarum.

§. I. **H**Ujus mensuræ notitia, ut omnibus
Compara- eruditis plana sit; ex æquo pedem
tio pedis Coloniensem pedi Romano antiquo à Vil-
Colonienfis lalpando. Tom. III. *Apparatus Urbis ac*
cum Ro- *Templi.* descripto & delineato: quæ æqua-
mano & tio post multorum Annorum tentamina ac-
Drehsiano. curatione singulari suscepta mihi videtur in eo posita. Primò divido pedem Roma-
num in duodecim uncias, & in Sedecim pollices: singulas uncias computo duode-
cim

EXPLANATIO.

cim lineas, pollicem singulum computo novem lineas, His datis dico pedem Romanum majorem esse pede Coloniensi uno pollice vel novem lineis; (idem affirmat Illmus *ÆGID. GELEN. Hierotheca cap. II, pagina XII.*) minorem autem pede Drusiano sexcunciâ; igitur pes Coloniensis modernus pede Drusiano minor erit tribus pollicibus Romanis: delineatio *Fig. I.* exacta est ad pedes Colon, modern.

Redhibendus est hoc loco *Pes Drusianus* in nostrâ Germaniâ, & Belgicâ olim usitatus, quem Hyginus *de Limitib. cœnstis. pag. 210. edit. Wil. Gæs.* nobis servavit descriptum, & comparatum pedi Romano, qui & *Italicus & usualis*, idem est iudice Gothofredo clarissimo Commentatore Legis III. de *Thronum* staturâ. Tit. XIII. Lib. VII. *codicis Theodosiani*, Item dicitur in Germania (*Hygini verba sunt in Tungris*) **PES DRUSIANUS**, qui habet monetalem pedem & fescunciam.

Pes monetalem pedem intelligit Italicum, vel usualement Italicæ: inde dictum, quia modulus hujus pedis in æde **MONETÆ** Romæ asservabatur, ad quem mensurarum publicarum fides exigebatur.

Pari Stylo Capitolinus in Maximino cap. 4. Amphoram vocat *capitolinam*, eo quod narrante Fannio in carmine de *Ponderibus & Mensuris*.

4 INSCRIPT. HERSEL.

Amphora fit cubus, quam, ne violare liceret,

Sacravêre JOVI Tarpejo in monte Quirites.

Comparavi etiam pedem cubicum Romanum, cum cubico pede moderno Agrippinensi, & deprehendi cubum Romanum capere amphoram Romanam unam, sed amphoras Colonenses XX, zwanzig Zapsinasen Collnischer aich, contra cubum Colonensem capere duntaxat 18. amphoras nostrates achtzehn Zapsinasen. Unde conficitur pedem cubicum Colonensem excedi à Romano, uti 18. exceduntur à vicensario.

Incisura & rasura trium primorum versiculorum, quo malo infortunio facta sit, quis divinet? conjicio Evclionem infectum solido eo lapide usum fuisse, ad muri cuiuspiam prominentis proceres ei injiciendos, & quia calx non satis antè inhærescebat litteris, profundius effodit Marmor, ut incrustaretur firmitus. Ut ut sit, caput inscriptionis amisimus, nomen nempè præsidis, ejusque officia, aut cognomina, cui hic lapis dicatus est. An id autem erui possit ex reliquis infra videbimus.

Tentemus nunc explanationem.

MANIÆ INFER.

§. I.
Mania infer. quod significet?

Indubitanter lego P.P. GERMANIÆ INFERioris nam inter Provincias ex-

teras

teras orbis Romani sunt quidem, quæ in *MANIA* desinunt, uti *Cenomania*, *septimania*: sed eæ non fuere divitæ in sup- & interiorē, quare intervallum hoc expleo P. P. *GER.* lege: *Provincia- rum Germaniæ inferioris*, item *Hispaniæ citerioris*, *præfecto* vel *proconsuli* vel *Legato Augustali*: nam his tribus titulis fulsere Rectores Germaniæ inferioris. Partitio ipsa Germaniarum in inferiorē ac superiorē, sive borealem, ac meridionalem, sive secundam & primam, confirmato jam Augusti imperio, capit. A. V. C. DCCXXVI. Dio etiam Libro LIII. recitat Provinciarum divisionem Augustum inter & S. P. Q. R. factam, ubi *Celtica*, quæ German. sup- & inferiorē, ut ait hic Dio, complectitur: Augusto cessit. Sub Tiberio & Claudio notissima evasit. Jam Germaniæ inferioris mentio in monumentis marmoreis frequentissima apud Janum Gruterum extant hæ: *editionis anni 1602. Com- melino Typo. paginis. CCXLV. & CCCCH. 6. DXV. 5. & seq. DXXXIX. 7. MCVIII. 5. CCCCH. 6.* Nec pauciora vestigia sunt apud eundem Gruterum Provinciæ Hispaniæ citerioris: vide paginas CCLXXVII. 7. C. LXXVIII. 1. 3. CCLXXXI. 7. CCCXLVI. IV CCCCLXXIII. 5. MXCI. 6.

§. III. **C**ui autem obtigerit eodem anno
Quis præ- præfectura utriusque Provinciæ
ses Germa- Germaniæ inferioris, & Hispaniæ cite-
nia infer- rioris, id divinandum, cum inficeti Fa-
et Hispan. bri expunxerint nomen viri, aliosque
ceterorum? forsan magistratus ab eodem gestos.

Marcus Agrippa auctor civitatis no-
 stræ eis theum ædificandæ ab Augusto
 socero suo jam collega imperii adlectus
 fuit Anno V. C. DCCXXXVI. teste Dio-
 ne L. LIII. Agrippa, qui prius ex Sicilia
 „ad gubernandam urbem fuerat missus,
 „galliis tum administrandis est præfectus,
 „tumultuabantur enim invicem galli, &
 „à Germanis infestabantur, iis motibus
 „sedatis in Hispaniam transiit. Nempe eo-
 „dem tempore utriusque Provinciæ Ger-
 „maniæ & Hispaniæ, sed utriusque uni-
 versæ præfecturam gessit.

Equidem Dio Libro LIII. post narratam
 divisionem Provinciarum graviter affir-
 mat, NUNC (Anno V. C. DCCXXXVI.)
 „earum Provinciarum quamvis suum ha-
 „bere præfectum, cum antiquitus binis
 „vel ternis singuli præfuerint, sed hic mos
 perpetuus non fuit, extantque apud Gru-
 terum innumera exempla Præsidum, &
 Præfectorum, Proconsulum, qui post
 hanc ætatem, duas, tres, quatuor Pro-
 vincias simul administrarunt.

Verùm Agrippæ jam Augusto non so-
 lum ob filiam Juliam, sed ob communi-
 catam

catam tribunitiam potestatem conjunctis-
simo mirum non est imperium penè par
Augusto in omnes Augusto reservatas Pro-
vincias tributum fuisse Interim hanc Epi-
graphen Agrippæ positam fuisse nequa-
quam credo duabus de causis infra addu-
cendis : & de præsidis nomine inveniendò
despero.

TITUS DUBITATUS STRATEJU.

Litteræ hæ sapiunt scripturam tri- §. III.
um primorum sæculorum : Vacuum T. Fl. Du-
ubique, à quo rotundum posteri distin- bitatus
xerunt : Nullum spatium inter voces Stratejus
singulas , sed æquali intervallo litteræ explana-
omnes sive unius , sive diversarum vo- tur.
cum distant & connectuntur. Nonnulli
eruditi , qui aderant , volebant post T.
punctum incisum lapidi : sed si ab sculp-
tore & non casu temporisve edacis injuria
punctio similis evenisset , profectò post
singulas voces punctum insculptum cer-
neres. Nunc non nisi apud duas , aut
tres litteras , quare vel lapidis vitio vel
cariei vel casui fortuito hæc puncta ad-
scribo. Lego autem hoc pacto sextum
hunc versum.

**Titus Flavius Dubitatus
Stratejus.**

STRATEJUS est proprium nomen
per-

§ INSCRIPT. HERSEL.
 personæ. *DUBITATUS* familiæ. *TITUS FLAVIUS*. Prænomena Romanis familiarissima & forte ab patronis assumpta, aut data.

In voce. *STRATE7US* : Credebam sculptoris errorem, qui 7. vice *G.* sculpsit, græcaque foret vox *στρατηγος* latino charactere *Strategus* scribenda: sed malo accipere latinam vocem derivatam à *Strato* vel *Strator* vel *Stratus*, cuiusmodi formæ *Pompejus*, *Vultejus*, *Fon-tejus*, quæ latina esse nemo inficiatur. Quare sculptorem absolvo impactâ incipientiæ notâ.

§. 4.
M. Alpi-nius Fir-Marinus
exponitur.

Sepimo versiculo occurrunt hæ voces. *MALPINIUS FIRMANUS* lego. *Marcus Alpinus Firmanus*. Et expono: *Firmanus* est viri nomen, *Alpinus* gentis, *Marcus* prænomen ascitum vel à majoribus, vel à benefactore vel à patrono. *Alpinæ* *Alpinulæ* nomen servat lapis apud Janum Guterum. pag. LXXXII. 9.

Alpinus Montanus Trevir. erat. Præfectus cohortis, à Vitellii partibus stabat, apud Tacit. Histori. 1. c. III. apud Broverum in proparsceve annal. Trevir. c. XIII. p. 47. prima editionis.

§. 5.
Pælius
Marinus
explanatur

Octavum versum lege *PAELIUS MARINUS*. *Publius Ælius Marinus*.

EXPLANATIO.

rinus. Ubi Marinus personæ nomen est, refert & Broverus lapidem in proparasceve annalium Treverensium p. 74. *prædit.* in quo legis Maternium Marinum non ignota nostro climati nomina, at Ælius videtur ab Ælio Augusto tributum huic liberto nomen, ut constat ex lapide Romæ retro Pantheon asservato, & ab Grutero descripto. DCHII. 9. Ecum eum opportunissimum huic loco illustrando.

D. M.
FLAVIÆ VALENTINÆ
P. AELIUS AUG. LIB.

MARINUS.

UXORI SANCTISSIMÆ
ET SIBI ET SUIS POSTERISQ
EORUM FECIT.

DUbitari non potest eundem *Marinum* in utroque lapide sculptum fuisse, cum utrumque prænomen respondeat, & proprio nomini jungatur, tum doceamur fuisse *Libertum*, qui Herorum nomina adsciscere gaudebant. Quare Ælius fuit utique Augustus ille, cujus Libertus erat Marinus: atque habemus quatuor ÆLIOS AUGUSTOS, Nervam, Trajanum, Hadrianum, & Antoninum Pium, forte ex Ælio Seja-

no prognatos, aut adoptatos, ab anno æræ Dionysianæ XCIII. Nervæ primo, ad annum CLX. Antonini Pii pōstre- mum; quo interim tempore, aut paulo post utrumque lapidem sculptum fuisse conjicio.

Eadem pagina pluribus AUGUSTI Libertis cognomen PUBLII ÆLII datum exhibet: inscript. 4ta extat P. ÆLIUS HERMES, inscript. 7. P. ÆLIUS. AUG. LIB. PANTAGATHUS, inscript. 11. P. ÆLIUS AUG. LIB. PHOEBUS. unde suspicor benè nummatis & rerum potentes fuisse hos Libertos ÆLII AUGUSTI, quorum tot monumenta sibi & conjugibus, & liberis posita supersunt. Nonus versus hic est:

§. 7.

PJULIUS MEMORI, lego publius Julius Memorius, ubi Memorius representat hanc singularem personam; Julius gentem, Publius cognomen variis e causis nasci solitum.

§. 8.

Decimus versus contractior, sed fecundior uti obscurior ☉ ☉ LEGIMINER. lego: Centuriones legionis primæ Minervæ.

Duo primo elementa interpretor: ☉ ☉ veluti initia vocis *Centurio*. Gruterus in indi-

indice , quo notas abbreviatas Interpretatur , affirmat. E. LEG. significare Centurionem Legionis , nisi forsan inversum \oslash optionem , aut legatum significet Centurione inferiorem. Confirmor & ÆGeleni interpretatione allata pag. 336. de col Agripp. mag. \oslash LEG. XXXVVVS: hanc enim statuit, *Primus Centurio Legionis trigesima Vlpia V.etricis votum solvit.* Ubi \oslash inversum Centurionem significat.

Legio prima Minervia prorsus legendum est. Omitto hic vulgata de Legionibus Romanis , quæ ea Historiographis Dione Polybio , Tacito , Livio & ex iis , qui professi sunt militaris rei scientiam. Vegetio , Frontinio, Modesto. Tum Recentioribus Steinvvecho, Lipsio , &c. referuntur. Cujusmodi sunt Legionum ordo , incrementa numerus, arma, distributio ; Illud huc pertinet Legionibus his duntaxat nomina indita fuisse primum à Numero ; & hanc *primam* , illam *secundam* , istam *decimam* , *tricesimam* , cognominatam.

S. 9.

DEinde variis Legionibus vario tempore , variâ occasione , epitheta *Ætarnum* honotis ergo adjecta fuisse , quæ ex *Titulorum* Agripp. Legionibus erant.

S. 10.

12 INSCRIPT. HERSEL.

Cippo gemino Romano descripta exhibent Gruterus pag. DXIII.

Lipsius pag. 349. in *Comment. Tacit. 11. Histor. & in Analectis ad militiam.* pag. 262. Stenveichus in *Comment. Vegetii.*

Unde liquet quibusdam nomen crevisse ab Augustis, cujusmodi sunt. I. I. III. VIII. AUGUSTÆ cujus meminit Lucas in *Histor. Act. Apost. XXVII.* *ἡκατοντάρχη συνέλαβε σελασσο.* XXX. ULPIA. III. FLAVIA. XI. CLAUDIA. II. TRAJANA. & apud Harduinum. PIA FELIX. De nummis Augustorum paginâ 849. *Histor. Augusta.*

Aliis nomen ab eventu vel tacto additum fuit, Hujus generis sunt VI. & XX. VICTRIX. I. & II. ADIUTRIX. XII. FULMINATRIX. VII. XIII. & XIII. GEMINA, quod ex duabus vel attritis vel imminutis Legionibus una conflata fuerit ut Dio Cassius docet Libro. LV.

VI. FERRATENSIS, quasi à ferreo robore. X. FRETENSIS. Freto adsita in hibernis, ut Lipsius conjicit in *analectis ad militiam.* p. 268.

A natione nactæ sunt nomen Legiones variæ: I. Parthica, & Italica, cujus Centurionem Cornelium laudat, *Lucas ad Act. XLVIII.* in Cæsarca Palæstina

na urbe maritima tunc agentem c.xi.

Actuum Apostol.

III. GALLICANA. V. MACEDONICA. IV. Schythica.

III. CYRENENSIS. XIII. GERMANICA apud Liplum in Tacit. xii. Annali. pag. 195.

Demum à Diis nomen sortitæ sunt.

I. MINERVIA. xv. APOLLINEA. MARTIA. Verùm hic lapis capitolinus collatus nostro typo, & aliis tum nostratibus, tum aliorum agrorum monumentis antiquis materiam criseos uberioris suppeditat.

" Primum quo sæculo columella Romana gemina posita fuerit?

" Secundum. Num ex eo conjici possit, quando hæc nomina legionibus accesserint?

" Tertium. Quæ legiones ex his fuerint in Germania inferiore, & quibus annis?

" Hinc enim deveniemus ad ætatem hujus inscriptionis Hersellensis.

Lapis Capitolinus & Maffei exunte 2.do, & ineunte tercio sæculo positus fuit, in eoque quotquot ad eam diem ab AUGUSTO extitere legiones, insculptæ fuere non eo sensu, quasi primo secundoque sæculo continuè & simul omnes, & eo nomine, quâ honestate

§. II.

Quando Cippi Capitolinus & Maffei sculpti?

state viguissent , sed quod ante medium,
tertium sæculum hæc nomina merue-
sint.

Appianus , qui sub Gratiano , & Va-
lentiniano scribebat miles ipse Roma-
nus , etsi Græcus natus , & militari dia-
lecto assuetus : Pompeii & Cæsaris le-
giones enumerans. L.II. *de bellis civilibus*
pag. mihi 246, sic effatur.

” Erant autem ad id temporis) An-
” no V.C. DCC. ante Christum, LIII.
” Cæsari decem Legiones , & Equitum
” Gallorum decem millia. Pompeio
” verò quinque legiones , quæ ex Italia
” cum equitatu suo trajecerant , & duæ
” *parthica* Crassi exercitus reliquæ , &
” pars quædam eorum , qui Gabinii du-
” ctu in Ægyptum irruerant : omnibus
” enumeratis undecim legiones Italici
” generis , & equitum circiter septem
” millia. Præterea auxilia ex Jonia ,
” Macedonia , Peloponeso , Bæotia ,
” & Cretenses Sagittarii , funditores
” Thraces , jaculatores Pontici ; ad-
” huc Galli quidam Equites , & alii
” Gallatæ , Commagenique missi ab
” Antiocho , Cilices & Cappadoces &
” quidem ex minore Armenia , Pami-
” philique ac Pisidæ , quibus non om-
” nibus ad prælia , sed ad præsidia ,
” munitionesque faciendas , & cætera
” Italici exercitus ministeria uti cogita-
bat,

" bat , ne italus miles distraheretur in
 " prælio.

" Et hæc quidem TERRESTRES co-
 " piæ. NAVALES autem longæ qui-
 " dem ad plenum instructæ sexcentæ ,
 " quarum centum habebant socios na-
 " vales Romani generis , quæ præstan-
 " tissimæ videbantur.

Vides legiones ex folis italicis militi-
 bus conflatas æstumari , at gallici, Ma-
 cedonici , Parthici in auxilium cen-
 sum veniunt , neque ad eam diem ulli
legioni nomen ab *numero* diversum ob-
 venerat.

Universim erant sæculo V.C. octavo
 nascente legiones peditum italici generis
 una & viginti , præter trecentos circiter
 equites singulis legionibus additos , &
 auxilium copiarum non minor nume-
 rus.

Augusti ævo , ut narrat Dio Cassius
 (qui sub Alexandro Mammææ scribe-
 bat adolescente sæculo tertio Christia-
 no) tres & viginti legiones aut ut alii
 ajebant , quinque & viginti aleban-
 tur. Lib. LV. ex quibus suo ævo , id est
 tertio sæculo Christiano novendecim mo-
 do supersunt , quas & una cum *nume-*
rari nota , & *adjunctis honorariis Titulis*
 ibidem recitat : reliquarum legionum
 aliarum prorsus extinctarum , aliarum aliis quibus-
 dam

dam vel ab ipso Augusto , vel à secutis
imperatoribus sunt permixtæ , unde &
GEMINÆ cognomen. solemne habe-
bant.

Tiberii ævo , ejusque imperii anno
nono æræ Dionysianæ nostræ xxiii. quot
legiones fuerint , quas Provincias tuta-
rentur, Tacitus ANN. iiii. pag. 102. e-
numerat.

Juxta Rhenum octo legiones commu-
ne in Germanos & Gallos subsi-
dium.

Hispaniæ iiii. legionibus habebantur
ceteræ Africæ extra Mauritaniam. ii. le-
giones.

Ægyptus. ii. legion.

ab Suna ad Euphratem iiii. legiones ,

in Pannonia duæ legiones.

in Mæsia duæ leg.

apud Dalmatiam duæ leg.

Romæ Tres urbanæ , novem Præto-
riæ cohortes.

Tantundem ferè auxiliarium legionum
erat. Si igitur summam subduco, Tibe-
rius numerabat xxv. legiones Italici ge-
neris , & xii. cohortes , dilectas ex
Etruria , Umbria, Vetere Latio , & co-
lonis antiquis.

At in Capitolino Cippo ab Grutero
repræsentato enumerantur legiones xxx,
in Maffæo Cippo Romano xxiii. apud
eundem Gruterum ead. pag. igitur huic
nu-

numero complendo addendus erit Urbanus, Prætorius, Veteranus, vel Classarius miles, qui in mari, Danubio, Rheno classes tuebatur, ut ad numerum xxx. vel xxxv. legionum deveniatur, nisi malis dicere his cippis enumerari legiones, quæ quot primis tribus sæculis Xtianæ æræ existerunt.

At si inspiciamus agrum Ubiorum, vel Moguntinum, effodimus indies lateres, imbrices coctos, quibus insultæ hæ notæ.

LEG. xxx. PRPF.

LEG. xxii. CV.

LEG. xxx.

LEG. vi. DF.

L. V. LF.

Quas Gruterus pp. dxiv, dxv, omisit, certum ut sit xxx. legiones extitisse, his tribus sæculis, & ante medium tertium sæculum, ad quod refero utramque columellam Romanam, & Viennensem pag. dxiii. Gruteri.

§. 12.

Quando accessere honoraria nomina legionibus.

Alteri questioni quando honoraria nomina numeralibus addita fuerint, à Dione Lib. lv. ex parte responderetur.

Nero PRIMAM ITALICAM dictam scripsit, qua in Mysia inferiore hibernat. fuere autem tres ITALICÆ, utique antiochiasinas dictæ. Cum

B

legio-

legiones omnes Italici sanguinis essent citra auxiliares legiones, quæ fortè post in censum legitimarum legionum Romanarum venerunt; quando hæ Provinciæ Romano Imperio insitæ veluti corporis unius membræ censebantur. Non explicat autem Dio, cur II. & III. ITALICÆ nomen datum aut relictum præ aliis!

Sanè Legio *Italica*, cujus Centurio erat Cornelius Cæsareæ Palestinæ à B. Petro baptizatus. Act. x. 1. longè antecedit Neronis imperium imò ætatem virilem; id factum enim ad annum. v. c. LXXXVIII. æræ Dionys. 35. uti patet in Chronotaxi: *Historia Apostol. anno proximo edita*, igitur & legio *Italica* exstitit ante Netonem, quæ forte olim II. aut III. ἀπλως dicta fuerit.

Pergo Dionem legere. Galba PRIMAM ADJUTRICEM *quæ in Pannonia inferiore, & septimam, quæ in Hispania*. Vespasianus SECUNDAM ADJUTRICEM, *quæ in Pannonia inferiore*. Septimæ adjutricis nulla mentio in tribus cippis. *Vespasianus item quartam FLAVIAM in Syria*. Cippus addit huic IV. & XVI. Flaviam.

§. XIII.

Minervia quando audiit Legio prima.

Domitianus primam Minerviam, *quæ in Germania inferiore*.

Hic jam Dio faciem nobis præfert, ut lapidis nostri æratem æstimemus. Nam hinc conficitur ante Domitianum non fuisse hunc, nec cippos Romanos

nos sculptos. Errat igitur *Alexander*, qui Lib. 1. *Dier. Geni.* cap. v. ab Hadriano Minerviam vocitatum vult, nec id dicit Spartianus, in vita Hadriani, ut *Tiraquellus*, *Alexandri Commentator in annotatis* ad hunc L. dicit, sed hoc duntaxat: secundâ expeditione Dacica Trajanus cum (Hadrianum) primæ legioni Minerviæ præposuit:

Rectè hic Lipsius corrigit in *Analectis ad militiam* Alexandrum latinum Dionis interpretem, qui Το Αθηναιον στρατοπεδον vertit *primam Atheniensem*; quamvis enim græca vox æquipolleat, *civis Atheniensis*, & *Minervii* significatui, attamen ex aliis autoribus constat legionem hanc non nisi *Minerviam* latinâ phrasi dicendam fuisse. Pari jure Tiraquellus emendat Alexandrum l. cit. scribentem *Otho præcipue Legioni Auxiliatricis nomen dedit*. Licet enim sensus idem *adjutricis*, qui *auxiliatricis*, non tamen isthoc, sed illo titulo Otho Legionem cognominavit, quod ex *Tacito*, & *Lapidibus ævi Romani* didicimus. Similis error fuit interpretis Plutarchi in vita Othonis, qui *auxiliatricem* vertit, & forte Alexandrum ab Alexandro in simile mendum pellexit, poterat addere *prima* non *præcipue*. Scribendum fuisse.

Cæterorum titulorum natales, quos Dio non prodidit, lege sis apud Alexand. ab Alexandro & Tiraquellum adnotatorem ex Cæsare, Livio, Floro, Val. Max, Suetonio, Tacito, Vellejo, Plinio, Gicerone, & Codicibus legum suppletem Originem vocum. MARTIAE JULIAE GALBIAE, ALAUDAE RAPACIS. VERNACULAE, CLAU-

DIANÆ FELICIS CLASSICÆ, ut ne credas omnia cippis Romanis vel Viennensibus circumferibi, sed hos ex scriptoribus Romanis, contra scriptores sæpe ex marmoribus illustrari, corrigi, suppleri, augeri, compleri.

§. XIV.

Unde Minervia dicta?

CAusa autem honorificæ compellationis ex Suetonio haurienda est in vita Domitiani "Cerebant etiam & prosa oratione Græcè Latinè-
" que, ac præter citharoedos chorcitaristæ quo-
" que psilocitharistæ. In stadio verò cursu etiam
" virginum certamini presedit crepidatus, purpu-
" reaque amictus togâ græcanicâ, capite gestans
" coronam auream cum effigie Ioris ac
" Junonis MINERVÆQUE, assidentibus
" Diali Sacerdote & Collegio Flavialium pari ha-
" bitu, nisi quod illorum coronis inerat & ipsius,
" imago: celebrabat & in Albano quotannis Quin-
" quatria MINERVÆ, cui collegium institue-
" rat, ex quo forte electi magisterio fungerentur
" redderentque eximias venationes & scenicos lu-
" ctos, superque oratorum ac poetarum certa-
" mina.

Torrentius in hunc locum commentatur.

" MINERVAM, cujus etiam filius dici ac cre-
" di voluit, omniaque ejus consilio agere, præ-
" cipua veneratione Domitianiis temper coluit:
" quod non solum ejus ætatis historici sed & Quin-
" ilia-

tilianus, Philoſtratus aſſertantur, nummi præte-
rea plurimi, Deæ effigiem præferentes. Quare
in Albano monte non ſolum Quinquatria annis
ſingulis celebravit, ſed & Collegium inſtituit:
Quod inſigniter deſcribit juvenalis ſat. 11. tam
liber & verax atque ubique ſui ſimilis, quàm
contra vani ac futiles Papinius & Martialis qua-
vis occasione turpiſſimè adulantes.

Nil mirum igitur ex eodem Domitiani erga
Minervam religioſo vel ſuperſtitioſo zelo legioni
nomen MINERVIAE & cum nomine inſigne aut
imaginem Dei, pilis baſtis, ſcutis, vexillis, in-
ſculptam, appictam, aſſuſam fuiſſe. Hinc Nata-
les Tituli MINERVII diſcimus.

§. XV.

P. F. Unde & quando nuncupata noſtra legio.

EAdem legio MINERVIA progreſſu temporum
& meritorum erga Principem accepit incre-
menta titulorum, nam multi lapides, quos ſe-
quenti deſcribam, eam P. F. id eſt Piam Felicem,
uti vult Harduinus Hiſtoriæ anguſtæ pag. 849. e-
dit. amſtelod. explicans nummos Valeriani & Gal-
leni.

Idem vult hæc nomina non ſignificare virtutes mi-
litum, puta; Pietatem, Fidelitatem, Felicitatem:
ſed Principes PIOS, qui ſuum nomen Legionibus
iis tribuere: Hinc deſinit ante Antoninum Marcum
PIUM ante Antoninum Commodum FELICEM
nullam Legionem ſibi hos titulos vindicâſſe: at con-

cessu, indulgentiâ & autoritate Augustorum horum
 hoc Deus accessit Legioni *sextæ & septimæ* : quia hæ
 fuere à Marco PIO restitutæ, à Commodo Felice
 auctæ : Hinc & in Lapidibus & nummis hæ nuncu-
 pationes honorariæ. Nummos loco laudato Hardui-
 nus hos profert. In Nummo Gallieni : LEG. I.
 ADI. VI. P VI F. Lege : *Legio prima adjutrix sex-
 ta Pia sexta Fidelis* : in alio Gallieni : LEGII-
 PARVIPVIF. *Legio secunda Partica, sexta Pia,
 sexta Felix*. In alio ejusdem Augusti : LEG. III.
 ITAL VII P VII F. *Legio tertia Italica septima Pia
 septima Felix*, LEG IIII FLVIPVIF *Legio quarta
 flavia sexta Pia sexta Felix*. LEGXGEM. VIP
 VIF. *Legio decima gemina sexta Pia sexta felix*. Ea-
 dem Encomia sextæ Felicis sextæ Piæ attributa fuisse
 Legionibus I I xx. xx. XXI I. xxx. prolatis Gallieni
 nummis vir eruditus ostendit. Vult & hinc pro-
 bari suas Genealogias Augustorum ex solis nummis
 fabricatas : & vel hinc conficit Gallienum ex san-
 guine Marci & Commodi descendere, quia PIUS
 FELIX salutatus fuit :

Contra Ianus Gruterus has notas P. F. interpre-
 tatur PIA, FIDELIS. quando de Legionibus sermo
 est & Lapides permulti testantur plena scriptione
 utrasque voces PIA FIDELIS initiales Litteras
 P. F. interpretandas esse, atque à singulari pietate
 ac fide erga Patriam vel Ducem vel Augustum sic
 compellatas fuisse.

Nec tamen inficior magna verisimilitudine ful-
 ciri explicationem Harduini : præsertim cum ante
 Marcum, ante Commodum nulla Legio reperiatur
 insignita titulo PIAE, FELICIS. clarissimus Eck-
 har-

hartus Tom. I. *Comment : Rerum Francicarum* L. I. pag. 10. Legionem VII I. sub Augustis Maurelio Antonino Pio & Lucio vero „ Cognominata „ fuisse *Antoninianam* ob res bene gestas in Aleman- „ nos. Eandem circa Annum Christi CLXXIX. dictam „ *Piam, Fidelem, Constantem, Commodam* : quod „ disertè corroboratur Ex lapide Gruteri p. DLXXXV. „ n. 8. Urbini reperto, & posita C *Vesnio* tribuno „ militum Leg. VII I. Aug. quo militante, cum li- „ berata esset Novia (Mœsiae Urbs) Obsidione, Le- „ gio, Pia, Fidelis, Constans, Commoda cog- „ nominata; & ipse (C *Vesnius*) ut devotissimus „ Imp. Commodo, Pio, Felici, objecto honore Quæstor designatus est. *Hæc Lapis Urbini.*

Hinc nobis id commodi nascitur, ut propius æta- tem nostræ inscriptionis circumscribere possimus ex hoc fundamento-Legio I. Minervia nondum gerit in nostro Lapide Hersellensi Encomium Piæ felicitis vel fidelis quam tamen frequenter asciscit in aliis Lapidibus : igitur noster Lapis est Domitiano poste- rior, & prior Marco Antonino : nam si sub hoc fuisset sculptus, accessisset Elogium P.F. quod in posterioris ævi nummis & saxis gerit.

§. XVI.

Ad Officiales Legionis I. M. enumerandos transitur.

HI Tituli Legionis prima Minervia Pia felicitis vel fidelis instar atrii nobis fuerunt; quod, quia diligenter lustravimus, & spectandum præbuimus Popularibus antiquitatum Patriarum curiosis, in- tro-

introducendi nunc sunt in ipsam Legionem, singulaque ejus membra contemplanda. Fuit enim adeo celebris, ut singulorum paene officialium imò & multorum Militum Epigraphæ marmoreæ supersint. Enarro eos Duce Lipsio hoc ordine; & utcumque nostra dialecto Germanica ea reddere conabor. Tribunus Legionis Obrister eines Regiments: Legatus: General Adjutant vel General Lieutenant, Centurio Cohortis ein Hauptman über eine Compagnie. Optio Hauptmans Lieutenant, Succenturio, Accensus Vexillifer Fähndrich. Polybio Uragus.

Imaginifer

Primipilus ein Caporal

Miles Legionarius. Ein Römischer Soldat Infus Veteranus außgedienter Soldat.

Legio ein Regiment von 6000. Römischer Soldaten zu Fuß und drey hundert Reuter.

§. XVII.

TRIBUNI Leg. 1. Minerv.

Inspectamus nunc hos in Saxia antiquis superstites. Tribunum lego nostræ Legionis in Saxo, quod Arnoldus Mercator apud Canonicum S. Gereonis Coloniae extans descriptum misit Iano Grutero ejus pag. DLXXI. hic redhibeo. Clarissimus Steph. Broelmann in Epideigmatæ Tabella II. n. 26. eundem plenius & paulo aliter delineari fecit.

D

M

AVDIO SATURNINO

T. LEG I PR MIN I

B

Lege

Lege DIIS manibus. Claudio Saturnino Tribuno Legionis primæ Primigeniæ Minerviæ.

Alius Tribunus Legionis Minerviæ legendus prostat in Lapid. Narbonensi descripto à Grutero pag. CCCXLVIII. n. 1.

L. AEMILIO. L. F. PAP. ARCANO
TRIB. MIL. LEG. XI. GEM. ET TRIB.
MIL. LEG. I. MINERV
ADLECTO. IN: AMPLISSIMUM
ORDINEM AB IMP CAES.
HADRIANO. AVG. &c.

Dixeram §. X. ex Tacito Legionarios nullos fuisse nisi Italici generis ac sanguinis : sed ampliandus est mihi Tacitus : neque tantum sanguinis sed Juris Italici virum ajo idoneum Tribunum Legionis Romanæ : nisi malis hunc Agrippin. Tribunum fuisse ortu & sanguine Romanum, natu civem Coloniz Agrippin. ? demonstro id ex Saxo elegantissimo in atrio armamentarii nostratis bona fortunâ adser-vato, alto pedes 5 lato pedem unum, VII. un-cias.

L N A S I D I E
N V S A G R I P P
T R I B V N V S
L E G X I I I G E M

Vel hic unus Lapis docet, re Agrippinenses in Germania Juris Italici esse, & eorum Magistra-
rum

tiū capaces, qui non nisi italīs deferēbantur, et si non extaret L. *De Censibus* D.

§. XVIII.

Legati Legionis Minerviae.

Legatos Legionis Minerviae multi lapides loquuntur apud Janum Gruterum p. ccccxix. n. 5. in fragmento Baseos: rursus p. cccclviii. n. 2. M. Pontius inter plurimas praefecturas recensitas salutatur. GOMES ANTONINI AUGUSTI GERMANICI SARMATICI LEG LEGIMINER. id est legatus Legionis primae Minerviae.

Splendidior est inscriptio beneventana relata à Grutero ad pag. ccccxv. n. 7. quae urbis nostrae memoriam illustrat. Transcripserat eandem Lipsius ad l. xii. Taciti *Annalium* pag. 194. & ex eo Aegelen. de col. Agr. mag. pag. 16. & 30. mutilatum.

MMARIO MF
STELTITORUFINO
COS

LEG LEGIMINER PF
CVR COL CLAVD AVG
AGRIPPINENSIVM
PRO COS PROVSICILIAE
CVR AMERINOR PRAET
TR PLQ PROVMACEDON
SEVIRTVMAREOROM
TRIBLATI CL LEGIADI PF
III VIR OSTLITIBIVDIC

FIDESCVMHELLADEET
TERTIOPARENTIBMFECC.

Leges illustres trium Liberorum Fidei, Hellenidis, Tertii erga parentem benemerentem elogium: Marco Mario Marci filio, Stellato Titio Rufino, consuli legato legionis primæ Minervæ piæ felicitis, curatori Coloniæ Claudæ Augustæ Agrippinensium, Proconsuli Provinciæ Siciliæ &c. admirare, quæ & quanta decora, spartæ, & officia in hunc virum confluerint!

Quartum legatum legionis hujus debemus Ecclesia Collegiata Dickirchensi prope Bonnam: unde Crombachius eum in annales M. S. Coloniæ retulit:

APOLLINILIVICI
CNCORNELIVS
AQVILIVSNIGER
LEGLEGIMPF
ITEMPROCONS
PROVINCIAEGAL
LIAENARBONENSISIT
SODALISHADRIANI

Lego Apollini legionis victricis indigeti (Deo) Cneus Cornelius Aquilius niger legatus legionis primæ Minervæ piæ felicitis item proconsul Provinciæ Galliæ Narbonensis item Sodalis Hadriani.

§. XIX.

Centuriones legionis Minervæ.

Post legatum collocaveramus centurionem: & hos exhibet noster Hersellenis lapis: & similem

lena conjicio in lapide Bracarenſi à Grutero recuſo p. MCI. n. 3, Eundem ſiſto hic.

LTERENTIO

MFQVIRRVF-

PRAEF COH VIBRITTON

3 LEGI MPEDON DONAT

IMP TRAIANO BELDAC

P PLEGXV APOLL

TRIB. COH II VIC

DD

Lepanum. Lucio Terentio, Marci filio, Quiriti, Ruſo præfecto cohorti ſextæ Brittonum centurio legionis primæ Minerviae piæ feliciſ donariis donatus ab Imperatore Trajano Bello Dacico prætori legionis XV. apollinæ Tribunus cohortis ſecundæ vicinorum dicat. dedicat.

Verùm heus ! ſi P. F. expono piam felicem : igitur ante Antoninos ſub Trajano jam Legio Minervia audiebat. Pia felix ? quod tamen Harduinus & ego eundem ſequutus §. XIV. inficiabar. an forſ hic lapis Terentio, qui ſub Trajano militabat, ſerius dicatus fuit ab Tribuno, qui ſub Antoninis vixit : & ſui ævi nomina retulit ad Trajani ætatem, cùm nonniſi, Minervia audiret ? an P. F. referendum ad ſequens comma *Premiis fruſtramento, donariis donatus ? an lapis rite deſcriptus eſt ?* adhuc enim placent §. XIV. ſtabilita, nec hoc lapide dimoſtror à ſententia.

§. XX.

Optio Minervia.

SERVAVIT nobis OPTIONEM & PROCURATO
REM DVCENARIORVM lapis, Valentinus
apud Gruterum pag. DLVI. n. 7.

D M

ET

MEMORIAE AETER
PETRONICAE VET
MISSI HONESTA
MISSIONE EX LEG
PRIMINER EX OPTIO
NE PROCURATORIS
ET VIRALINIAE FLORAE
CONIUGII EIVS
VIVI SIBI PONEND
CURAVERET SUB
ASCIA DEDICAVE
RVNT.

Legatur. Diis manibus & memoriae aeternae Pe-
tronii casti veterani missi honesta missione ex legio-
ne prima Minervia, ex Optione Procuratoris Duce-
nariorum *vel Ducenariae cohortis vel manipuli*, &
Viraliniae florae Coniugi ejus vivi sibi ponendum
curaverunt, & sub ascia dedicarunt.

Habes hic primo veteranum nostrae legionis Mi-
nerviae adeoque XX, annorum stipendia meritum,
dein missum honestâ missione (id est tali, quae
emeritis stipendiis dabatur) cui opponitur missio

eaussaria, Lipsi: de militia Romana L. V. Dialogo XIX. quum ante emerita stipendia dimitteretur miles vel ex gratia vel ob vitium; cum quis manu oculis pede mutilatus inutilis legioni evasisset; vel ob delictum: & hæc quarta ignominiosa missio secunda gratiosa, tertia iusta utraque scæpe *honestæ* dicebatur, puta ubi vera causa missionis suberat. Equi generis exemplum luculentum præbet tumba lapidea exquisito opere sculpta intra armamentarium urbis nostræ illata, effossa subter ipsa mœnia haud procùl porta apiaria. Die Beyen Pfort.

CSEVERINIOVITEALIVETERANO

HONESTEMISSIONISEXB.FCOS
LEG XXX.V.V.SEVERINIA SEVERINA
FILIAPATRIKARISSIMO AD SEREN
TEVITALINIOHILARIONELIBERTO
FACIENDVM CVRAVIT.

Plurima supersunt in hoc monumento nobilissimo eruderanda: sed ego propositi metas non exhibo. *Lego*: Cajo Severinio. Viteali veterano honestæ missionis ex beneficio consulis legionis trigesimæ Vlpiaë Victricis &c.

§. XXI.

Signifer legionis Minervia.

REdcamus in viam & ab milite sursum revertamur ad signiferum nostræ legionis: is accep-

ius referendus arcui triumphali Arausionensi unde Gruterus eum descripsit pag. DLXI. n. 10.

DSEXTIOVICTORI
LEGIONIS MINERVIAE
SIGNIFERO TITSILII
HOSPE

Signum Romanis vel aquila hastæ puræ imposita utroque pede aut altero hastam premens alterâ fulmen torquens. Ante Marium & post Trajanum alia animantium genera hastis præfixa gestabantur, sed Aquila sacrum Romanis signum fuit : & quidem singulæ Legionis una : qui ante eam & post collocabantur antesignani & postsignani dicebantur signa in media Legione. Hinc ex aquilis Legiones numerabant Scriptores Romani. *Hirrius de Bello Hispanico: erat Pompeji acies tredecim Aquilis constituta*, id est tredecim Legionibus. *Lucanus lib. 1.*

Ut notæ fulserit aquilæ Romanæque signa, deinde sua manipulis signa, de quibus *Lipsius Lib. IV. Dial. III. & V.*

§. XXII.

Imaginifer Legionis Minervia.

Lapis Lugdunensis in Cœmeterio s. Irenæi à Grutero descriptus p. DLXII. n. 1. restituit nobis imaginiferum nostræ Legionis.

ET MEMORIAE AETERNAE
SOLEMNIO FIDOMILIT LEG
MINERVIAE IMAGINIFERO

(D) MATVRINIA VICTVRINA CON (M)
IVGICARISSIMO PONENDVM
CVRAVIT ET SVB ASCIA DEDICA

Præ-

Præter signiferos erant imaginiferi, qui hastis puris affixas Imagines orbiculatas ex auro argento aliove ære aut ligno gestabant. Eæ imagines erant primo Deorum Dearumve ; Nostræ imaginifer abs dubie Minervæ & quidem sagatæ imaginem tulit ; Dein Augustorum Cæsarum imo & Ducum suorum imagines pictas sculptas fufas & hastis appensas gestare amabat Miles Romanus ; Nec in Lapidibus solum sed & in nummis tum signatum imagines Legionum visuntur non tantum Constantiniano sæculo frequentissimæ sed tribus antecedentibus, de quibus Spanheimius Mediobarbus Vaillantius Harduinus. Ex historia Romana quidquid huc facit, collegit Lipsius loco laudato.

Tertulliani de imaginiferis Christianis.

DUm hæc scribo, incido in Tertulliani librum *de corona militis*, cujus scopus est, ut doceat Christiano nefas & esse in castris Romanorum militare. id variis ex causis ostendere satagit, quarum una est : - CLX. *Vexillum quoque portabit æmulum Christi* ? puta Deæ Minervæ imaginem ; Christo vero Deo oppositam & ideo Christiano execrandam : *Et signum postulat à Principe, qui jam à Deo accepit ?* signum intelligo vel aquilam Iovis, hastæ præfixam, & legioni prælatam vel refferam militatem ab Imperatore datam, quæ sæpe fuerit Dei Deæve cuiuspiam nomen, cujus nomine victoriam vel consequendam sperabat vel acceptam ferebat : Rectius verò eatenus Christiano militiam illicitam pronuntiat Afer, quatenus cum
ido-

idololatria aliquid commune habet uti ipſtus ſenten-
 tiam ſuam moderatur Tertullianus *L. de idololatria*
 C. XIX. unde aut nulli aut rari Chriſtiani videantur
 fuiſſe milites Romani. Contra Illuſtriſſimus
 Agid. Gelenius. *L. 1. Colonienſ. A.*
mag. Syntagmate V. opinatur Legiones Ro-
 manas Primam, Undeviceſimam, & duodeſſige-
 ſimam (quam & Divitenſem, Gallicanam, Fulmi-
 natricem victricem cognominatam aſſerit) Beati
 Materni operâ Chriſto acceſſiſſe. Fulminatricis au-
 tem Titulum poſt acceſſiſſe in expeditione contra
 Quados & Marocomannos ſub M. Aurelio, quando
CHRISTIANORVM MILITVM orationibus ad
 Deum factis Imber ſitienti exercitui impetratus
 fuit, quod Tertullianus Libro *ad ſcapulam* Provin-
 ciæ Africæ præſidem C. IV. narrat, id eâ modera-
 tione aſſeverat GELENIUS, itidem ut meminerit
 & ante eum diem & aliis legionibus non Chriſtia-
 nis Fulminatricis titulum indultum fuiſſe: id pro-
 bat Valerii Flacci carmine & ego apud Grute-
 rum lego pag. CXCIII. inſcriptione numero ſe-
 cundo relatâ: idem probat Hermannus Witſius
 Diatribe vulgatâ amſtelædami anno CI CCC
 LXXXIII. *De legione fulminatrice Chriſtianorum*
ſub Imperatore Marco Aurelio Antonino, ſed ex eo
 quod alia legio & ante annum Chriſti 174^{um}, Mar-
 ci Aurelii decimum quartum, fuerit nuncupata
 fulminatrix, non ſequitur legionem XXIIIX. non
 fuiſſe appellatam fulminatricem, ob pluviâ im-

petratam, & victoriam post secutam: uti Pagius contendit ex Witsio ad. h. a. in critica Baronii. Nam diversis legionibus ex diversis causis & victoriis eundem Titulum *Fulminatricis* accessisse nihil miri est, & verisimile ntiliquet ex Titulis *Augusta, Victricis*, qui vario tempore legionibus variis tributi fuerunt.

Igitur vel ipse Tertullianus fatetur suo ævo extitisse Christianos milites in legionibus Romanis. Ego dico eosdem & aquilam & Minervæ insignia, & coronas Triumphales gestare sine idololatria potuisse, etsi Romani ea idololatræ spiritu gestarent & ambirent. Quod autem Tertullianus *L. de corona milit.* vult gestationem coronæ Laureæ aut florea aut triumphalis esse *Peccatum contra legem naturæ, esse elogium sacrilegii in Deum naturæ Dominum & autorem*, hyperbole est. Corona, aquila, imago signum Minervæ sunt signa honoris, sunt signa, quibus legio una ab alia discriminatur utantur alio fine aliâ intentione his Signis Romani idololatræ, non ideo mutatur signi natura & finis primævus.

Quare tuçâ conscientiam militare sub signis Romanis Christianus potuit. Dum ab eo nulla idololatria poscatur, uti potuit idolothyta comedere famis causâ, quæ religionis ergo devorabant Ethnici, & hoc esu se sanctificari somniabant. Consule c. XIII. Epist. ad Romanos: sanè Ioannes Baptista militiam non interdixit Iudæis Romanisque militibus Luc. III. 14. & Cornelius Centurio Romanus baptizari à Petro Apostolo, non verò militiam deserre iussus fuit. Act. Apost. X. 48.

§. XXI.

Miles legionis Minervia.

AB Ducibus & officialibus ad milites descendamus; lapis in Urbach repertus & dein ex Dierdorff translatus in castrum Blanckenheimien-
sium Comitum a Crombachio describitur hic nobis in historia MS nostræ Metropoleos.

L. STERTINI
IOL. F. VOL. F.
VET. EX. LEG. I.
H. SE. H. EX. T. F. C.

Lege: Lucio Stertinio Lucii filio Volo filius veteranus ex legione prima hoc sepulcrum heic ex Testamento fieri curavit.

Non audet Crombach definire hic Stertinius an idem sit Stertinio illi, qui legatus Germanici Cæsaris fuit à Tacito laudatus. Addendus hic lapis *figura 2da* depictus C. CAMPANIUS VICTOR qui DEABVS GAGIABVS indigetibus nostris monumentum posuit, à C. BROELMANNO Tabellæ 3. nu. 35, delineatus. sed *Legatus an miles* fuerit legionis nostræ Minervæ; haud facile diiudicavero: cum temporum injuria illustre hoc avitæ militiæ in memosynon mutilaverit.

Alium veteranum Minervæ legionis dabit lapis Angustodunensis, descriptus à Grutero pag. MCVI, n. 1.

D. M.
 G A E M I L I
 V I C T O R I S
 V E T E R A N I
 L E G I M P
 E H A E R E D E S
 P O S V E R V
 N T.

Lege sis. Diis Manibus Gaii Æmilii Victoris veterani Legionis primæ Minervæ Piæ Fidelis Hæredes posuerunt : nempe hanc Aram. E. in sext. versiculo corrigo F. & facilis lapsus fuit in Affinibus elementis describendis.

§. XXII.

Statio Legionis I.

Post illustratos Legionis nostræ Duces & Milites inquiramus Locum eidem assignatum. Erant enim Legiones veluti tutores Potestatis Augustæ Imperii Romani, quarum fidei & robori salus quies publica incumbibat. Hinc ab Augustis vel Senatus dividebantur in provincias, quarum tutela iisdem committebatur, atqui Minervæ nostra Statio manifestum est tum ex Dione §. xii. laudato, qui in GERMANIA INFERIORE eandem collocatam affirmatum sub Domitiani tum suo ævo, tum ex tot Saxis in Provincia nostra effossis, quæ loquuntur eandem Legionem apud nos resedisse : inter quæ
 He

Hersellense merito chorum ducat, ut ut mutilatum. Simili argumento Clarissimus ab Eckhart in *Rerum Francicarum Lib. I. §. XI.* demonstrat Legionem VIII. quæ & Augusta & Antoniana & Pia & Felix subinde dicta fuit, Stationem in Hermunduris habuisse, usque ad Annum Christi cclxxii. ob Lapides plurimos in eo agro effossos, qui Legionis VIII. varias personas ostendunt.

Sed juvat idem ex Tacito diligenti & accurato scriptore intelligamus. Hic L. I. Histor. ad A. C. lxxix. Urbis conditæ dcccxxii. Othonis & Galbæ cædibus funestatum, narrat Aulum Vitellium inferiorem Germaniam ingressum: extitisse tum in ea primam Legionem (nondum enim ad eam diem *Minervæ* nomen consecutam) quartam; duodevicesimam, duo & vicesimam. Legatos hos recitat: Hordeonium Flaccum Consularem Legatum, Fabium Valentem, Alienum Cæcinam, IVLium Burdonem egisse Præfectum classis Germanicæ Rheno impositæ. Et Valenti quidem inferioris exercitus electos cum Aquila quintæ Legionis, & cohortibus, Alisque ad XL. armatorum millia datos fuisse. Sub Tiberio Cæsare Quæstorem & Legatum Legionis quintæ in Germaniæ sistit tibi Lapis descriptus à Lipsio ad Taciti Annalium Librum III. pag. 116.

Cæcinam verò è superiore Germania duxisse xxx. Millia, quorum robur Legio una, prima & vicesima fuit: Addamus Germanorum & Agrippinensium aliorumque sociorum auxilia, quæ eodem Tacito asseverante numero patia erant, & metiamur Provinciæ nostræ amplitudinem primo Sæculo Christiano: Longitudo ejus maxima à Castris veteribus

bus (Santen) Antonacum usque (Andernach)-Latitudo ab Sicambrorum usque ad Tungrorum Oppidum: in ea tamen Legionibus quatuor Romanis, quæ minimum 24000. Peditum, 1200. Equitum complectebantur) præter auxiliares & Agrippinenses milites residebant, alebantur; adde ministeria &c. Adde impositam Rheño classem & Militem classiarium & admirare nostri agri ubertatem ac fecunditatem, & nervum rei militaris.

§. XXIII.

Prætorium Castrorum in Colonia Agrippinens.

NEc defuit Legionibus & Castris suum intra Mœnia nostra Prætorium: id est Tabernaculum nobilius & amplius cæteris, editiore & munito Loco constructum, ubi Prætores (penes quos ab initio rei militaris administratio summa erat, post apud Consules, demum apud Augustos ac Cæsares) consistebant cum supremo Imperio. Eadem de causa Navis prætorialis, Miles prætorius, & Porta primatialis in castris prætorialis audierunt. *Carol. D. Aquino S. I. in Lexico militari.* Memoriam nostri Prætorii ab interitu vindicavit Lapis sæculo superiore apud nos erutus, quem *Ag. Gelen. C. A. magnit.* pag. 83. refert & in Vico Burgensi in domo Zelandt haud procul in der Bürger-Strassen à superstite Francorum Regum prætorialis Turri erutum & asservatum scripsit. Hunc à multis Annis cum frustra ibi inquisivissem, & amissum deplorarem, fortuito colloquio vicini civis disco in Vico Aquilino in ea domo sub

Mo-

Molendini Signo, auff dem Eigelstein im Mütgen,
quæ ad Scholliam Gentem pertinet, extare Saxum
litteris insculptis dives: accurro, describo, & ac-
curatius edo monumentum, quod Dolio Heydel-
bergenfi ego non commutavero, si optio fieret

D I S C O N S E R
V A T O R I B. Q T A R.
Q V I T I V S C A T V L.
V S L E G A V G C V I V
C V R A P R A E T O R
I V M I N R V I N A M.:
N L A P S V M A D N O
V A M F A C I E M
R E S T I T V T V M

Ara est quadrilatera tota altitudo est 2. ped. $8\frac{1}{2}$. unc.
Latitudo baseos $1\frac{1}{2}$. ped.
Latitudo faciei adversæ 1. ped. 2. unc.

Lapis est obvius grisei colonis, qualem Drachen-
felsia rupes in hanc horam copiosam sufficit:

Vetustas quatuor litteras attrivit: in secundo &
tertio versiculo facile eas suppleo: sed in sexto
post *Ruinam*. Nulla vestigia apparent fugientium lit-
terarum uti tertio & quarto commate: ipse angulus
detritus & exesus est unde suspicor deficere CO: quæ
iunctæ sequenti versiculo faciant *Conlapsum*; nisi
fors latine dicatur *inlapsum* & I in littera N. pro mo-
re comprehendatur:

Lego nunc inscriptionem.

DIIS conservatoribus. Quintus Tarquitijs Catulus Legatus Augustalis (*supple hanc aram dedicat: consecrat*) cujus cura Prætorium in ruinam conlapsum ad novam faciem restitutum (*supple fuit*) Facies prætoriae scenæ vel tentorii erat fere rotunda & in testudinem desinens quod ex Varrone L. IV. de L. L. observat P. Aquino laudatus. Eadem templorum antiquorum forma ut ex nummis bene multis ; & ex Pantheo Agrippæ constat.

Cujus Augusti Legatus fuerit hic Tarquitijs ; non habeo : Tarquitijs nomen apud Gruterum frequens est in Inscriptionibus , sed *Catuli* postremum & characteristicum hujus personæ nomen illi adjunctum Gruterus non vidit.

§. XXIV.

PRÆSIDI

Hic versiculus commentandus superest : eum referri ad versiculum 4. & 5. v. cum eo jungendum existimo , ut sit Præses idem Germaniæ inferioris & Hispaniæ citerioris, nisi malis cum Titulum hic repeti , qui jam supra tribus versiculis erasis eidem datus fuerit.

Præses verò significat eum, qui cum potestate ordinaria administrat civilia negotia Provinciæ , sive vice Augusti , sive nomine Senatûs Populique Romani : qui fortim aperit Litibus dijudicandis, tribunal conscendit , lictores & apparitores , aut senos aut duodecos habet vindicandis delictis , quem contra distingu-

guendus Imperator : utri nos discriminamus *Der Stadtthaler von dem Commendant.* ille enim civili hic militari rei præsidet ; cæterum hæc distinctio perpetua non fuit : nam aliquando penes Præsidentem & civilis & militaris rei summa potestas erat.

Ante omnia hic statuendum, quæ Provinciæ præsidiales erant, quæ prætoriae, quæ consulares : Nam vox Præsidis communi licet significatu polleat : ab Scriptoribus tamen historiæ Augustæ ex Usu Fori Romani certum discrimen intervenit, quod Alexand. ab Alexand. Dier. Genial. L. II. c. xxvii. & Carolus de Aquino in Lexico militari accuratè notaverant.

Augustus, qui Imperio Romano formam Politicæ dedit primus, idem Provincias sex inter & populum Romanum partitus est, veluti umbram pristinae potestatis ac libertatis reipublicæ relicturus. Eæ Provinciæ, quæ populi Romani erant, regebantur Proconsulibus vel proPrætoribus : eæ, quas Augustus sibi veluti patrimonium retinebat, regebantur modò viris consularibus modò prætoris, qui inde appellabantur Legati consulares : modò præsidibus vel Procuratoribus, & hi ex ordine equestri delegebantur.

Iam Germaniam utramque fuisse in Augusti Cæsaris censu ostendimus supra §. I. Mirum igitur non est huic Provinciæ Præsidentem impositum fuisse : & quia *Germania* utraque nunc *Celtica* nunc *Gallica* veluti ampliori accensebatur, hinc præsidè gubernabatur, *Syria* præsidem *cyrinum* ἡγεμονεύοντα Lucas, II, 2. Refert.

Sic Iudææ Provincia Præsidem Pilatum *ἡγεμόνα* Matthæi XXVII. 2. 12. 15. ut ajunt Evangelistæ. Et Felicem *ἡγεμόνα* act. XXIII. 24. Præsidem Iudææ nuncupari lego: recte id vulgatus *procurante* vertit Nempè Syria veluti præcipua Provincia, utraque in Augusti Dominatu erant, non Serratûs.

Gallia ait Ruffus L. de Historia Romanorum *Aquitania, & Britannia Provincie decem & octo numerantur : ad quas PRAESIDES mittebantur,* quas Cæsar in Provinciæ formam redegit primus.

§. XXV.

Sanctissimo. Potestas & usus hujus vocis inter Romanos.

SANCTISSIMO. Præsidibus Provinciarum tributum fuisse docent duæ inscriptiones Gruteri, altera pag. ccccl. n. 6. quam Doufa e Græcia descriptam nobis vindicavit

PRAESIDEM SANCTISSIMUM

Alterâ pag. ccilxxv. n. 1.

PRAESIDI SANCTISSIMO ET KARISSIMO.

Hubertus Goltzius in Thesaurò rei antiquariæ Indice decimo describit : PRAESIDI SANCTISSIMO & CARISSIMO in quintâ inscriptione videndus, tum idem Elogium sanctissimo Imperatori Augusto, Augustæ, Matronis, attributum ostendit ex variis Inscriptionibus.

Triplex erat potestas vocis *Sanctus* sæculo aureo Linguae Latinae, cujus exempla ex Autoribus optimis dabit Robertus Stephanus in *Thesauro*.

Primogenio significatu Sanctum idem est quod sanctum decretum; quò sensu Leges SANCTÆ propriè dicuntur.

Altero, qui ex eo profectus est, significatu dicitur id sanctum, quod violari lædi infringi nefas, vetitum. Hoc sensu personæ, Loca, Res, variz *sancta* dicuntur.

Hac acceptione Numen vel Majestas Principum, personæ summæ Imperantium, Palatia Regum, Consistoria, Tribunalia, Tempia Mœnia appellantur *Sancta*.

Ultima significatio *Sanctus* tantundem valet ac *innocens integer* Læbis omnis: hinc præsertim Tribuni Judices puri ab omni sinistro affectu, à munerum ambitu dicuntur *Sancti*. Hac postrema notione hic salutatur Præses *Sanctissimus* à Centurionibus, à Milite, à Provincialibus, ab omnibus, quibus Jus dicebat.

§. XXVI.

επιλογος.

Habetis Populares optimi, meam de hac Inscrptione interpretanda extemporaneam Conjecturam, cui scribendæ horulas aliquot gravioribus Studiis suffuratus sum dolo bono.

Cupio enim vos horum monumentorum antiquæ Rei Romanæ & nostræ Studiosiores, vel Custodes, vel Investigatores, vel Eruderatores, quàm fuistis hactenus,

nus, Lararium vel Ephesion Blanckenheimium plenum istiusmodi monumentis unicum superest, quod a Viris & Litterarum Re & Sanguine longe EXCELLENTISSIMIS erectum & conservatum debemus.

Ecce intra Mœnia nostra extiterunt ditissima Cimetèria Lapidum, Urnarum, Nummorum, vasorum &c. ex nostro fundo erutorum apud Familias illustres Rinc-kiam Lyskirchiam Beyvvegiam, Brœlmanniam! ubi sunt? eheu fuere! pauca asservât atrium armamentarii: reliqua vel latent vel computrescunt, vel in Limina aut postes convertuntur: id ne deinceps fiat, imò ut extantes penes vos publico donetis, per Patriam quæ una omnes Caritates complectitur, carissimam

vos oro

MDCC. XLV.



- Haller

